

## **TV API VOICEOVER SCRIPT (W3C Version)**

短片名稱 : 致命二手煙  
版本 : 粵語

畫面內容描述： 開鏡見到一個相對較暗嘅環境，周圍不斷人來人往，一位女士企定喺中間。

螢幕蓋字「每 8 個因煙草死亡的人當中，有 1 個死於二手煙」。  
畫面推近女士，佢轉頭望住鏡頭，周圍出現煙霧。

旁白： **每八個因為煙草相關疾病而死亡嘅人，就有一個係死於二手煙。**

畫面內容描述： 畫面一轉，見到一道稍微打開嘅防煙門，二手煙霧由門罅飄入，然後蔓延至一個辦公室場境，飄過幾位工作中嘅人士，成個辦公室空氣渾濁。

螢幕蓋字「二手煙霧最少含 69 種致癌物」。

旁白： **超過八成嘅二手煙睇唔到、聞唔到。**

畫面內容描述： 畫面轉去一個家居佈景，一位爸爸喺窗邊吸煙，二手煙霧飄去客廳。

旁白： **室內吸煙，有害物質嘅濃度會急升百倍，**

畫面內容描述： 喺客廳，一位媽媽陪緊女童玩，女童將玩具放入口咬，  
螢幕蓋字「三手煙殘留時間長達數月」。

旁白： **亦會黏附喺物件上，透過接觸，危害健康。**

畫面內容描述： 畫面轉去一個巴士站佈景，一個孕婦同一個細路女等緊巴士，幾米外有一個食緊煙嘅男人行近巴士站隔離嘅垃圾桶，煙霧圍繞喺母女身邊，細路女用手掩鼻。

螢幕蓋字「室外 二手煙可蔓延 7 米以上」。

旁白： **即使喺室外，二手煙都可以蔓延相當距離。**

畫面內容描述： 男人見到細路女掩鼻，佢諗吓一吓，然後喺垃圾桶頂嘅煙灰缸整熄咗支煙，原本渾濁嘅空間煙霧消失，細路女放低掩鼻嘅手，報以微笑。

旁白： **減少二手煙危害，我哋一齊努力！**

畫面內容描述： 尾鏡見一位保安喺度貼緊禁煙標誌，然後逐一見返之前出現過嘅人物，佢哋全部都微笑望住鏡頭，最後出現嘅男人翹手自信望向鏡頭。

畫面右方出現衛生署控煙酒辦公室標誌、[www.livetobaccofree.hk](http://www.livetobaccofree.hk)、同戒煙熱線 1833 183。

電視宣傳片結束。